

四庫全書

集部

欽定四庫全書

宋詩紀事卷六十一

錢塘厲鶚撰

鄭性之

性之字信之初名自誠福州人嘉定元年進士

第一理宗朝累官寶章閣待制知樞密院參知

政事出知福州

鶚按咸淳臨安志自誠為嘉定元年勝首宋史作四年誤四年

勝首趙建大也今訂正

落梅

夜來幾陣隔窗風便恐明朝已掃空
點在青苔真可惜不如吹入酒杯中
後村千家詩

章 樵

樵號峒麓昌化人嘉定元年進士
歷官知漣海軍授朝散郎知處州卒

伽溪

在昌化縣

試將生計問農家兒大扶犁女漚麻
燒筍鶯葵供午餉山中樂事自無涯
杭州府志

諸葛興

興字仁叟會稽人嘉定元年進士為彭澤奉化
兩丞嘗作會稽九頌有梅軒集

曹娥祠

瞻靈祠兮江之湄懔予心兮肅祇表卓行兮尚之祀垂
妙辭兮淳之碑嗟窈窕兮踐天性一念烈兮萬古鏡山
眉兮蒼蒼江練兮茫茫江之水分可竭娥之靈兮不可
滅會稽續志

杜範

範字成之黃巖人嘉定元年進士端平中拜監察御史累遷禮部尚書淳祐二年拜右丞相卒
贈少傅諡清獻有集

戊辰冬和湯南萬韻

春初走京華秋杪歸舊廬簡編廢已久開卷澀且疎誰
能擊其蒙石田或可腴雁山有佳士讀盡天下書足跡
半九州不憚道里迂陋邦何足臨而亦來我居相從一

樽酒未厭園中蔬笑談欣有合浩若縱壑魚人生惟所
適所適各有途胸中苟不迷到處皆通衢簞瓢有真樂
顏氏何其臞沒沒嗟我生未知終焉圖論交須論心所
論在不渝願君示一語令我反三隅君無金玉音請誦
一束芻

良月遊水樂

久矣聞水樂邂逅作此遊林立攢萬石曲徑穿深幽豁
訝開古洞下有清淺流惜哉非古音噴薄皆人謀流觴

飲山淥風鬢吹颼颼欲歸興未盡攜手湖上樓斜陽獻
萬狀浩以雙目收白鳥去復還翩翩良自由我本山林
人對此多慚憂歲月不我與宴閒其可偷便合作歸計
老矣安所投世事皆漫爾政恐空白頭

和澧州喜雨韻

秋色在何許浮嵐疊翠間江清雙鳥渡天濶片雲閒雅
量肩文舉新詩壓子山更深聽遠溜哦詠荅潺潺

送湯仲熊國正以直去國

朔風翦木末碩果懸孤危邈矣冥飛鴻異哉聞鳴鴟莫
雲結愁陰送君江之湄去者挽莫留留者良自悲何當
謝塵鞅鼓枻相追隨

以上杜清獻公集

薛師點

師點鄞人嘉定元年進士

酬荅張安撫伯玉先生

寡交率天性積疴攻妙藥干祿念烝嘗著書恣談譔永
矣離畏途何況縻好爵感子故人意屏吏延鈴閣時剖

千秋心兼訂三山約風流張平子文采謝康樂潛魚媚
幽潭高鳥昵林薄物類既參差天地亦寥廓但愁霜霰
多石出兼水落

甬上耆舊集

洪咨夔

咨夔字舜俞於潛人嘉定元年進士理宗朝累
官刑部尚書翰林學士知制誥加端明殿學士

提舉萬壽觀卒諡忠文有平齋集

鶚按咸淳臨安志有嘉定

元年鄭自誠揭無二年楊宋史誤今訂正
仇達裨史洪平齋新第後上衛王書自宰相至

州縣無不捃摭其短大概云昔之宰相端委廟堂進退百官今之宰相招權納賄倚勢作威而已凡及一職必如上式俱用而已二字時相怒十年不調洪有桃符云未得之乎一字力祇因而已十年閒

贈石室朱修行

響泉一派落天風人在浮雲柳絮中亭午柴扉猶未啟
碧玲瓏底拒霜紅

直玉堂作

禁門深鎖寂無譁濃墨淋漓兩相麻唱徹五更天未曉

一池月浸紫薇花

題東山

在臨安縣西三里相傳謝安石高卧之地

金堂玉室舊相羊被髮依然下大荒
風送嬋娟飛落藥雲移縹緲溼疎篁
桓伊箏外深情酒幼度碁邊定力香
萬事古今開闔眼樓頭吹面水風涼

夫目山招隱歌

雲氣歛兮天目之巔
濤江綫橫兮海門濺濺
扶桑子半兮陽烏翻可俯而掬
兮嚙以天井無聲之泉子其隱乎

吾與子兮拾荃

正月十九日孟享從駕

黃織中間一點紅
繡雲鹵簿海棠風
鈞容聲出雲霄外
馬上誰憐有老聾

壬辰小雪前奉親游道場何山

何山如幽人道場如大家
穰穰衲子腳刺刺騷翁牙
挾雋控寒飈披光躡晨霞
危顛矯窄堵平疇畧汙邪
巖泉跑虎湧徑松髯龍拏
鐘梵破深寂金碧開芬葩
修廊步

履峻傑閣望眼賒山勢佩玦矗湖光鏡奩舒清節香霏
入古弁空濛遮列翠不可唾羣籟無敢譁坐我旃檀林
酌之槍旗茶宇定岫出雲語妙天雨花吾生久墮甌昔
遊慣乘槎夷猶廬阜陽宿留岷江涯高曾留嶠棧卑或
搜崖窪舊夢難歷省此行足雄誇老親八十健閒儔二
三佳拍浮一葉渺收覽萬景奢富貴上蔡犬貧賤東陵
瓜未須笑落鐸誰能苦簪沙候門占噪鵲旋橈趁歸鴉
奇事恐沒沒舉詩屬僧伽

感王荊公事

君臣一德盛熙寧厭故趨新用六經但怪畫圖來鄭俠
何期奏議出唐垌掌中大地山河舞舌底中原草木腥
養就禍胎身始去依然鍾阜向人青

以上平齋集

梅磻詩話荊公行青苗免役等法引用一籌小人天下受其苦卒召六十年後靖康之禍洪平齋有詩云云按國史俠嘗從安石學垌乃安石所薦皆以新法不便攻之此詩乃五十六字史論

都城火

九月丙戌夜未中祝融漲焰通天紅層樓傑觀舞燧象
綺峯繡陌奔燭龍始從李博士橋起三面分風十五里
崩摧洶洶海潮翻填咽紛紛釜魚死開禧回祿前未聞
今更五分多二分大塗小撤噤不講拱手坐視連宵焚
殿前將軍猛如虎救得汾陽令公府祖宗神靈飛上天
痛哉九廟成焦土

梅礪詩話紹定辛卯臨安大火九廟俱燬獨丞相史彌遠賜第以殿司軍救撲而存洪平齋哭都城火詩云云末意規諷時宰甚切聞之者足以戒

吳泳

泳字叔永號鶴林潼川人嘉定元年進士理宗
朝仕至起居舍人兼直學士院權刑部尚書終
寶章閣學士知泉州有鶴林集

嘉熙丁酉七月上澣遊大滌題住山龔冲妙良泓
軒

舊與清泉白石盟身閒方作洞霄行青山延客元無鎖
碧澗流花似有情古洞欲隨仙隱去高岡終待鳳來鳴

道人喚我松間飲坐拂寒雲月未生

洞霄詩集

沈大椿

大椿嘉定中真州判官

自維揚回真州

一官安敢問青羶形影相看祇自憐黃鵠已登青漢去
白鷗空占淺沙眠杏花開徧揚州雨柳色渾鋪瓜渚烟
老眼生疎堪自笑浪驚風物向淮天

青蒲短短柳斜斜入眼新愁亂莫遮雨潤固應宜筍蕨

風饕端不貸鶯花春來止酒常因病客裏逢人祇問家
安得扁舟下荆水一歸老我舊生涯

維揚志

胡 桀

桀字仲方廬陵人銓之孫嘉定中官工部尚書

出知福州

嘉定二年秋重遊洞霄

重尋九鎖躡丹梯回首空驚歲月移風虎守閭寧易到
冰龍候路卻先馳松筠老去俱全節猿鶴迎來盡故知

更拂棲真洞閭石弟兄同記勝遊時

餘杭泉石欠幽探淨拂衣塵入翠嵐九鎖山門雲上下
一峯天柱殿西南元封舊事無人記德壽仙遊有客談
痛飲丹泉卧磐石松風滿耳夢初酣

洞霄詩集

句

自孤花底三更月卻怨棲前一笛風

落梅

鶴林玉露

呂 午

午字伯可歙縣人嘉定四年進士歷官浙東提

刑監察御史遷起居史院官卒贈華文閣學士

有竹坡類稿

馬城花窠

寓居臨安馬城作

老子西城住今踰十載期栽花成茂樹種柳長高枝移

接從渠巧誇傳到處知擔頭挑賣去一一是趨時

竹坡類稿

和岳王廟壁上韻

初閩西一舍有菴曰東松紹興初岳鄂王提兵經吾郡西上士

卒秋毫無犯卒宿人門外足不敢一越限內嘗憇是菴留題

當年唯說岳家軍紀律森嚴孰與鄰師過村村皆按堵

功成處處可鐫珉威名千古更無敵詞翰數行俱絕塵
擬取中原報明主亦勞餘刃到黃巾

新安文獻志

徐文卿

文卿字斯遠號樟丘玉山人嘉定四年進士與
趙昌父韓仲止齊名有蕭秋詩集

葉水心序云斯遠淹玩衆作淩暴偃蹇情瘦而
意潤貌枯而神澤方于西江宗派斯又過之

游洞巖

跨馬絕風烟夜與雲俱宿彈琴向窗間微月挂森木曉

行巖上路一溪緣淨綠路窮入其中溪流貫山腹巖開
類天設石亂疑鬼伏水從何自來乃爾瑩心目巖前野
僧居種桃滿空谷惜已過芳時不見花芬馥平生青霞
志恥受紅塵辱老我茅三間茲山疑可卜

前賢小集拾遺

偶題

綠樹何稠疊清風稍羨餘枕紫雲片片簾透雨疎疎修
篴通泉壑殘碑出野鉏丘陵知幾變耕稼雜陶漁

雨後到南山村家

衝雨入窮山山民猶閉關
橘垂茅屋畔梅映竹籬閒
奇石依林立清泉繞舍灣
吾思隱茲地凝立未知還

以上瀛奎

律髓

周端朝

端朝字子靖永嘉人從朱晦菴武夷讀書登嘉
定四年進士官至刑部侍郎諡文忠

三江口

吳門臺北竹樓隅三日追陪漫叟居曉夢驚辭赤壁鶴

夜棲看打武昌魚橫洲遙澈分燈影落月斜河運斗車
回伏三江問漢口陸離蘭葉響環琚

東甌詩集

程公許

公許字季與一字希穎號滄洲叙州宣化人嘉
定四年進士理宗朝累官中書舍人禮部侍郎
進權刑部尚書有塵缶集

牡丹

春工殫巧萬花叢晚見昭儀擅漢宮可惜芳時天不借

三更雨歇五更風

全芳備祖

黃子信

子信長泰人嘉定四年特奏名第二人調新會
鹽場有散翁集

投楊帥

六年兩度拜宸旒換得青衫白上頭飛鵲祇因無樹繞
窮猿何暇擇林投明知著腳當來誤幾欲抽身不自由
安得有錢了官債便無三徑也歸休

歸時作

笑倩西風拂舊埃歸時行李似初來也知三載清貧好
博得一家强健回

漳州府志子信初調新會鹽場帥楊長孺以其
老榜為監當心易之常拊其簿書子信將拂
衣而去因投以詩云云

周假菴

題趙千里夜潮圖

款書嘉定庚午仲夏一日

烟蒼蒼江茫茫明月夜挂天中央奔潮不盡當日恨金

波怒捲蚪龍長浦口秋飛揚鷗雁不眠聲周章風高沙
漲望難到羽翰但逐潮低昂窗閒簾炷香開卷有素商
何須八月上錢唐對此秋濤生錦囊

珊瑚網

袁甫

甫字廣微鄞人嘉定七年進士第一歷官吏部
侍郎兼國子祭酒權兵部尚書卒贈少傅諡正
肅

題陳和仲尊明亭

亭在山巔氣象巍然山從何來蜿蜒蜿蜒我坐亭上極
目一望羣峯畢朝尊無與抗我撫亭下萬象難寫一一
分明入我醖罍有時攜筇偕我朋從莫知我心獨撫孤
松甬上耆舊集

徐清叟

清叟字直翁浦城人嘉定七年進士理宗朝歷
官廣東安撫使權兵部尚書拜端明殿學士知
樞密院事兼參知政事提舉佑神觀出知泉州

卒贈少師諡忠簡

淨明院梅巖恭和高廟御製

偶因祀事訪丹霞寺古山深石徑斜衝凍細尋梅信息

枝頭喜見狀元花

咸淳臨安志

贈建寧妓唐玉

上國新行巧樣花一枝聊插鬢雲斜嬌羞未肯從郎意

故把芳容半面遮

豹隱紀談

陳耆卿

耆卿字壽老臨海人嘉定七年進士官至國子
司業著有笈窗集赤城志

葉水心云陳君之作駸驟羣言特立新意險不
不流怪巧不入浮

艱食行

新穀未升除穀罄窶人托麥以為命今年種麥如去年
去年滿屋今空田吁嗟皇天毋乃戾去年浙右當死歲
湘中死寇淮死兵留得東州僅旒綴祇今艱食遽如斯
豈是造物有乘除我無一語活四海對之泣下徒霑裾

催租官吏如東溼里正打門急復急安得君眼如月長
灼破田家蓑與笠全芳備祖

王伯大

伯大字幼學號留耕福州人嘉定七年進士理
宗朝累官端明殿學士拜參知政事

贈戴石屏

詩老相過鬢已星吟魂未減昔年清揮毫不著塵埃語
盡把梅花巧琢成梅礪詩話

丹青閣

傑閣岌堯倚碧蒼菊花時節此持觴
市聲一段隔秋水橋影半空橫
夕陽挺挺霜筠排壑立涓涓石溜引山長
人言絕頂多奇觀安得閑身宿上方

詩家鼎鑪

郭磊卿

磊卿字子奇仙居人嘉定七年進士
端平初拜右正言尋擢右史以直言為
史嵩之所忌除起居郎卒諡正肅有
兌齋集

偶題

更無清興在杯觴不用蒲葵扇自涼
月色靜時山鶴叫
一庭清景藕花香

宋藝圃集

李劉

劉字公甫號梅亭崇仁人嘉定七年進士仕至
中書舍人直學士院寶章閣待制卒有詩文類
稿

孫雲翼李梅亭先生小傳劉嘗從真德秀游巧
詞科文字留飲書室指竹夫人為題曰蕲春縣

君祝氏可衛國夫人劉援筆立成末聯云於戲
保抱攜持朕不忘乙夜之寢展轉反側爾尚形
四方之風德秀擊節歎賞嘉熙己亥四月誕皇
子告廟祝文劉以學士當筆以四柱作一聯云
亥年己月無長蛇封豕之虞午日丑時有歸馬
放牛之兆時方有蜀警人咸賞其中的有梅亭
四六行世

記夢

壯志已違黃鵠下老身合占白鷗前夜來耿耿江湖夢

秋水長天一釣船

前賢小集拾遺

聞笛

何處桓伊酒力雄
分明嚼徵更含宮
倚樓三弄西風急
不覺梅花大半空

後村千家詩

項容孫

容孫字仲履號雲藪江陵人
嘉定七年進士理
宗朝官殿中侍御史

山中憶兄弟

鴻雁不成行飄零歲月長
一身三處夢半夜九回腸
積雪欺茅屋孤燈照錦囊
何當夜聽雨卻話此淒涼

詩林萬選

吳昌裔

昌裔字季永號青蓮山人中江人嘉定七年進士理宗朝歷官知婺州加集英殿修撰以寶章閣待制致仕卒諡忠肅有集

攜客山行詠陶嘉月自雙徑來洞霄丹巖翠壑林立環擁神剎鬼刻不可名狀餐雲漱月偶得八吟留之山中以紀幽踐嘉熙三年三月穀雨

存三首

上界神仙住九華故留靈鎖護烟霞雲根欲斷溪回處

流出山中幾片花

九鎖山

鑿破千年渾沌心
石楠當戶洞悒悒
詩臞猶怯春寒在

捫石梯雲不敢深

棲真洞

誰鑿巖扉石竇開
懸崖飛瀑轉風雷
須臾白浪從天下

野客不知何處來

飛玉亭

洞霄詩集

吳淵

淵字道父寧國人
嘉定七年進士
累官江東安撫
使行宮留守兼屯田使
拜參知政事封金陵

侯有退菴遺集

登南城

江城一眺思悠悠平楚蒼然野水流
衰草寒烟梅公墓敗垣斜日謝公樓
江山有恨英雄老天地無私草木秋
萬古興亡俱是夢不知何者為身謀

句

一帶天分南北限兩眉烟鎖古今愁

蛾眉山
菴遺集

以上退

吳潛

潛字毅夫寧國人淵弟嘉定十年進士第一淳祐中歷官特進左丞相封許國公以沈炎論劾謫化州團練使循州安置有履齋遺集

睡起行北園

睡起卸冠簪園行獨自吟山昏知雨到樹密覺春深竹外童相報門前客見尋歸來即敗意誰者是知心

即事

春陰漠漠護輕寒春晝無聊午夢閒幽鳥不知人意改

銜花飛傍小闌干

以上履齋遺集

聞同官會碧沚

碧沚堂前瞰水官，祇應喚作玉壺看。
頗聞秩秩玳筵展，莫遣怱怱銀燭殘。
酒付別腸寧怕窄，詩由廣舌不憂乾。
老夫孤坐三更月，欲往從之道路難。

萬頃湖光浩不收，花汀竹嶼思悠悠。
黃公舊隱知何地，賀監言歸乞此洲。
良夜最佳唯午夜，今秋偏好是中秋。
舉杯酒露月同吸，仰面青天可問不。

占春亭即事

桃花幾片隔牆飛，獨自危樓徙倚時。
目送斷鴻雲外沒，東風吹淚落天涯。

見他門戶插垂楊，懊恨江南客子腸。
春夢誰云無準托，連宵合眼是家鄉。

題暗香疎影詞後用潘德久贈姜白石韻

人生浮脆若菰蒲，四十年前此丈夫。
擬向西湖酹孤魄，想應風月易招呼。

以上開慶四明續志

和人賦金魚

仙人藥苗化為魚身雖纖細味豐腴土人涉溪如採荇
以布為網猶恐疎不比吳王耽嗜鱠松江千古留腥滓
好似春茶槍與旗俯視銀條不足數人生所樂在家鄉
何必定食河之魴琴高仙游不可躡自向崑崙朝玉皇
玉皇一笑倚天末乞與五湖任囊括扁舟烟雨歸去來
卧聽魚搓聲濺濺

吳禮部詩話宣城涇縣有琴高山有琴高溪俗
傳控鯉而升之所每歲三月中有小魚數十萬

一日來集亦傳以為投藥滓所化至今人待此
日盡網之曝以為乾味甚美吳履齋嘗賦詩和
人韻云云

絕句

編茅為屋竹為椽屋上青山屋下泉半掩柴門人不見
老牛將犢傍籬眠

句

楊柳年年人老大江山處處客淒涼

以上全芳備祖

汪立中

立中四明人

甲戌廷對後到洞霄丙戌放假守新安又得寄徑成
詩紀游

憶昔尋幽興未終重來洞府訪仙翁十年塵土身將隱
千里華陽路暗通山水祇如前日好松杉似與老人同
明朝又入黃塵去回首青山一夢中

洞霄詩集

丘岳

岳號煦山丹徒人嘉定十年進士江淮制置使

自淮柵代歸領累偕親友游虎丘偶成影語以紀
歲月淳祐庚戌七月二十五日

一目四蒼莽突然見林立飛來靈鷲峯幻出蓬萊洲浮
圖高翠律石徑通深幽生公講經臺曾聞石點頭劒池
杳無底脩綆汲寒流千古詫異傳此事還是不我來秋
向深良苗市平疇憂國願年豐一稔銷百憂

虎丘志

陳 埴

埴字和仲鄞人嘉定十年進士歷尚書吏部侍

郎國子司業

曰琯按方氏瀛奎律髓注云陳垣字伯和號習菴其先陽翟人寓居

桐廬

分水道中

午困思茶無處煎
溪橋側畔認炊烟
松窗竹牖人家靜
旋借沙瓶汲澗泉

前賢小集拾遺

山居次滕元秀韻

解組滄溟畔
攜家紫翠閒
地臨雙港勝
天與兩年閑
茅屋靜聞雨
竹籬疎見山
所慚鄰舍老
句險不容攀

瀛奎律髓

釣臺第十九泉

十年不泛釣臺船
夢想高風日月邊
今日偶來無住著
再嘗灘下鸞茶泉

嚴州府志

遊虎丘

老龍掣雨過平川
曉影初開樹色鮮
有片白雲收不盡
日高猶在講臺邊

碧玉千尋劍影寒
夜深光怪逼危闌
句吳霸畧成塵土
空有青山覆石壇

虎丘志

王邁

邁字實之號臞軒居士興化軍仙遊人嘉定十年進士調南外睦宗院教授召試學士院改通判漳州應詔直言為臺官所劾削二秩淳祐中知邵武軍予祠卒贈司農少卿

飛翼樓

舊傳說范蠡故址

亭前一望海東流更有雄樓在上頭燕子飛來春漠漠
鷗夷仙去水悠悠神交故國三千里目斷中原四百州

日暮片雲棲古樹昔人留與後人愁

詩家鼎鑪

除夕

憶昔都門值歲除高樓張燭戲呼盧久依淨社參尊宿
難向新豐認酒徒天子未知工草賦鄰人或倩寫桃符
寒宵別有窮生活點勘離騷擁地爐

後村千家詩

賀林簿新娶

金華門外厭京塵烏帽山前結悅巾翁壻相看冰映玉
庭闈一笑頰生春昔言爾爾嫌隨俗今喚卿卿喜有人

來歲夢蘭嘉兆叶犀錢玉果出娛賓

翰墨大全

句

未知死所先期死自笑狂生老更狂

齊東野語王實之邁有文名落魄不羈為正字
日因輪對及故相擅權理宗宣諭曰姑置衛王
之事邁即抗聲曰陛下一則曰衛王再則曰衛
王何容保之至耶上怒不答徑轉御屏曰此狂
生也邁歸鄉里自稱敕賜狂生嘗有詩云云

羅必元

必元字亨父號北谷隆興府進賢人嘉定十年

進士度宗朝累官直寶章閣兼宗學博士

金陵作

六朝遺跡舊山川
萬里長江當守邊
一念易驕人事廢
不關飛渡北來船

凭高懷古思悠悠
遙想騎驢白下游
不是龍眠圖畫裏
如今親到蔣山頭

景定建康志

宋詩紀事卷六十一

欽定四庫全書

集部
宋詩紀事卷六十二

詳校官監察御史_臣李陽樾

侍讀_臣孫球覆勘

總校官進士_臣繆琪

校對官中書_臣牛稔文

謄錄監生_臣錢萬卷

欽定四庫全書

宋詩紀事卷六十二

錢塘厲鶚撰

李元白

元白字希太奉化人嘉定十年進士任永州通

判有四家胡笳詞

曰璐按陳鳴鶴東越文苑有李元白者寧化人工詩嘗集

杜句為一編又集大觀昇平詞進之授初品官二人未知孰是

廢寺

鶚按詩林萬選作李杜

溪沙橫漲水痕平間扣雲關壁半傾殿上土花人不

斷甑支睡岸蟬鳴後村千家詩

陸德輿

德輿字載之崇德人坡之諸從孫嘉定十年進士官至吏部尚書

題資福院平綠軒

帶市人煙遠連村野色幽山從天際出水抱檻前流茅

屋無端礙松醪有意留因懷陵谷感無語對沙鷗

至元嘉禾

志

鄭清之

清之字德源鄞縣人嘉定十年進士史彌遠薦
為魏憲王府教授理宗嗣位以定策功累拜太
傅左丞相封魏國公致仕卒封魏郡王諡忠定
有安晚集

癸辛雜識清之淳祐再相政事多出姪孫太原
手昏繆貪汙有人作詩譏之云先生自號為安
晚晚節何為不自安

香山貓食粥

梵宮新遣兩狸奴晨粥飢餐食肉如料是伊蒲三昧熟
不知遶膝訴無魚

詠茄

青紫皮膚類宰官光圓頭腦作僧看如何緇俗偏同嗜
入口元來總一般

冬瓜

剪剪黃花秋後春霜皮露葉護長身生來籠統君休笑
腹內能容數百人以上安晚堂集

淨明院 郊壇齋宮

齋宿虛閒只淨明
俗氛暫洗覺身輕
半山雲脚炊烟溼
一枕松聲澗水鳴
對語老禪真法器
譯經新諦出僧繁
歸翻貝葉蓮花頌
猶帶招提月影清

咸淳臨安志

題雪竇妙高峰

陸地芳洲擁翠翹
巨靈穿石滾雲濤
搏空蒼鳳欲飛舞
奔海玉龍爭怒號
萬象橫陳坤軸富
一亭平挹月輪高
獨醒未覺孤清景
笑酌寒泉讀楚騷

延祐四明志

姚 鏞

鏞字希聲號雪蓬又號敬菴剡人嘉定十年進士吉州判官以平寇功擢守贛州貶衡陽有雪蓬集

寓雪川

王戴溪頭小隱仙
漁翁引上雪溪船
幾回倦釣思歸去
又為蘋花住一年

春夜曲

金魚鎖合蘭缸小酒不支愁尋睡早梨花欲墮風更寒
燕子不歸春自老流蘓護帳香雲結三十六簧清吹咽
絨書欲寄湘水深城烏啼落花西月

桐廬

兩岸山如簇中流鎖翠微風帆逆水上江鶴背人飛野
廟青桐樹人家白板扉嚴陵臺下過不敢浣塵衣

訪中洲

踏雨來敲竹下門荷香清透紫綃帶相逢未暇論奇字

先向水邊看白雲
以上雪蓬集

題衡岳

萬山環拱祝融尊
紫蓋前趨若駿奔
火德中天扶日月
炎方一柱鎮乾坤
久無執轡來侯牧
空有穹碑立廟門
北望中原青一髮
淒其四岳正塵昏

離衡州

天恩下釋湘纍客
心事悠悠月滿船
種藥已收思病日
著書不就負殘年
雜花怪石分人去
老竹荒亭入畫傳

歸夢鑑湖三百里白鷗相候亦欣然

法華寺

入門松逕幽樹杪見鐘樓客至犬迎吠香消僧出遊水

花迎晚照風葉引涼秋欲作居山計吾盟在白鷗

以上
梅磴

詩話

秋風

顥氣薄衣襟疎聲集暝林鴈驚烟塞夢鱸入故鄉心靜

落階前葉清傳月下砧更憐茅屋破愁絕少陵吟

後村

千家詩

趙東野

東野贛州人

題姚雪蓬騎牛像

騎牛無笠又無蓑
斷隴橫岡到處過
暖日暄風不常有
前村雨暗却如何

鶴林玉露姚鏞為吉州判官以平寇論功不數
年擢守章貢嘗令畫工肖其像騎牛於礪谷之
間索郡人趙東野題云云蓋規切之也居無何
忤帥臣以貪劾之貶衡陽人服東野先見

王 埜

埜字子文號潛齋金華人嘉定十三年進士理
宗朝拜端明殿學士簽書樞密院事提舉洞霄

官卒有文集

劉後村跋潛齋詩本學術隆師友扶忠賢絀邪
佞愛君如愛親憂民如憂己合於詩人之所謂
六義者

絕句

雨重垂楊綠未乾一渠流碧弄潺潺
暝鴉過盡東風惡

獨倚衡門看遠山

全芳備祖

贈凝神菴朱高士

拋卻林泉趣卓菴
臨近村兩窗吞日月
一室養乾坤
菊露秋籬重松風午枕喧
蒲團數胎息不肯學傍門

赤松山志

上霄洞

吾聞北山陽巖壑寶相竅
何年開鴻濛隨地通
突奧朝真高難攀
冰壺深莫料詭怪者雙龍
崖室最蒼峭上霄
雖晚出煙霞寄孤嶠
尋源陟空山訪仙款遺廟
始探頗

褊窄稍入亦窈窕上穴由梯升傍穿湏火照青厂既鬱
鬱白乳仍矚矚旁通多曲折幽眇轉奇妙窮探豈不欲
所畏自微燭昏昏蝙蝠飛悄悄鼯鼯叫或疑洞靈出或
恐山鬼嘯又聞村中氓鑿石供灰燒俄然得深竇傾城
盡登眺何人不好事窒塞迷其要此雖幸獨存荒僻委
蓬蒿儻移傍京邑車馬日號召了知神仙事茫昧不堪
弔豈無隱淪士巖築像唯肖畬田沃可耕澗水清可釣
平生愛泉石自謂飢可療喜茲近吾隱來往足談笑此

意復誰論行行逢荷蓀

金華府志

清明日游鶴林寺

蒿目黃塵擾擾間
出門偶到鶴林山
仙花僧竹俱陳迹
白日青天祇自閒

竹院閒來春正遲
籜龍猶自有孫枝
野夫豈識尋芳意
為愛光風面面吹

鶴林寺志

李伸之

伸之官統制為金人所獲不屈死

獻帥府經歷

一飯感恩無地報此心許國已天知
胸中千古蟠鍾阜
一死鴻毛斷不移

劉昶歸潛志貞祐南征獲一統制官李仲之者帥府經歷官劉達卿召而飲之且誘以降將宥焉仲之獻詩云云竟就死

蔣重珍

重珍字良貴無錫人嘉定十六年進士第一理宗朝歷官集英殿修撰刑部侍郎致仕卒諡忠

文

題蕭岳英常州朱氏畫草蟲卷

常州草蟲天下奇女郎新樣不緣師未應好手傳輪扁
便恐前身是郭熙

筆端生意已如生點綴沙蟲機不停淺著鵝黃作胡蝶
深將猩血染蜻蜓

咸淳毘陵志

自題雲龍小隱

龍山錫山兩山雲出能為雨入氤氲雲山之氣有斂散

斂散之理斯為神我廬山下有小隱雲為動兮山為靜
悠然而出物之澤屹然而峙地之鎮我見雲山喜與俱
雲山無情不見余我比雲山多此見日月相看兩不厭
常州府志

徐鹿卿

鹿卿字德夫隆興豐城人嘉定十六年進士理
宗朝累遷太府少卿兼右司權給事中歷禮部
侍郎提舉鴻禧觀致仕卒謚清正有泉谷存稿

湛泉酌餞黎文有詩壁間遂次其韻

幾人林下賦歸休公獨翩然汗漫遊
味道不妨寒似水入時須用曲如鉤
從來鄰父邀皆去底事官曹挽不留
後夜相從那復得月明千里故山秋

鬱孤洞天

夢跨長虹海上遊寒生肌骨一壺秋
好風吹得詩魂醒自寄人間羣玉樓

以上泉谷存稿

章鑑

鑑字君玉號藝齋昌化人嘉定十六年進士官

至華文閣待制

林洪山家清供云章藝齋宰德清時雖覬古馬
高尤喜延客然飲食多不取諸市恐旁緣以擾
人

金錢花

巧冶都由造化爐風磨雨洗好形模花神果有神通力

買斷春光用得無
合璧事類別集

牟子才

子才字存叟其先井研人家湖州嘉定十六年
進士理宗朝歷官權禮部尚書兼直學士院國
史實錄院修撰以資政殿學士致仕卒諡清忠
有存齋集

南園

買家喜傍水精宮正是南園故址中我欲築堂名六老
追還慶歷太平風

齊東野語慶歷六年吳興太守馬大卿會六老
於南園酒酣賦詩教授湖學安定胡先生為序

其事六人者工部侍郎簡年七十九司封員外郎范說年八十六衛尉寺丞張維年九十一俱致仕劉維慶年九十二周守中年九十五吳琰年七十二皆有子弟列爵於朝詩及序刻石園中後園廢為牟氏之居存齋詩云云

趙以夫

以夫字用甫號虛齋長樂人嘉定進士知漳州理宗朝歷資政殿學士吏部尚書同修國史

詠蘭

一朶俄生几案光
尚如逸士氣昂藏
秋風試與平章看

何似當時林下香

全芳備祖

戴 栩

栩字文子永嘉人嘉定中進士湖南安撫司參議

松臺王綽云永嘉之作唐詩者首四靈繼四靈之後則有劉詠道戴文子張直翁潘幼明趙幾道劉成道盧次夔趙叔魯趙端行陳叔方者作而鼓舞倡率從容指論則又有瓜廬隱君薛師石焉

白鶴寺

子晉昔遊處平臺片石成寺名猶記鶴松響卻疑笙巖
壁飛雙瀑金沙照一泓野人豈仙伴隨鹿過溪行

前賢
小集

拾遺

送廬陵胡季昭夢昱以上濟邸封事貶象州

古郡荒涼象跡新君行況是去裝貧此愁欲別柳邊雨
明日初程桂外人從古不多如意事加飡宜惜未歸身
春風未必天涯盡木斛花開瘴水深

象臺首末

李義山

義山號後林嘉魚人嘉定中進士樞密院編修
題梅壇毛慶甫雲悅樓

雲本無心悅者誰華陽去後少人知欲分半席無因到
一片飛來是覓詩

梅仙事實

幸元龍

元龍字震父高安人舉進士理宗朝任朝奉郎
郢州通判有松垣集

遊越山

上得越山半方壺紫翠環山幽春溜響花落午陰閒梵
刹依松外仙家在竹閒小窗借高枕風定鳥綿蠻

松垣集

陸 垕

垕號盤隱官府判嘉定中與僧居簡倡和

冷泉亭放閘水

泉聲飛出閘委折綠陰間此地原無暑多時不入山草
敲疑石墜水定見魚還難得同援鶴游吟半日閒

咸淳臨安志

留碩

碩字仲志魏公正之子嘉定閒守南恩州

陽江勸農

春風句引出郊行小隊迢迢草路平自笑田蕪不歸去

三千里外勸人耕

肇慶府志

錢厚

厚字惠載嘉定中常熟令號竹巖嬾翁有竹巖

拾槩

漱石軒

危石參差上霄漢中涵萬壑冰玉清與誰流出洗塵滓

遺我一林風雨聲

洞霄詩集

崔起之

起之嘉定中為宣城尉

題萬翠亭

亭在旌德姚司戶建

名山繞旌川未易千百計棲真聳其西二幕青扞蔽柳
山與龍山連亘殆無際大鰲從東出石鼓相軒輊華容

接鶴形蔓衍若難制擁南有梓山盤屹萬里勢有殿曰
甘露岡萃插天地玉壺枕其北鳬山復相比礮嶺介鳳
凰大洞闡天祕姚君天韻奇氣槩高一世胸中飽丘壑
作亭非壯麗獨能極遐觀領畧萬山翠蒼玉無遁形秀
色歸一視卻笑昔人非所見殊無異東亭亂清暉僅得
翠微意東山羅紅裙未免聲色累唯君別幽趣徜徉樂
清致青山不改舊領客時一醉

寧國府志

史彌寧

彌寧字安卿鄞人浩之姪嘉定中以國子舍生
蒞春坊事帶閣門宣贊舍人知邵陽有友林乙
橐

寄雲夫

黔國相逢地蒼燈共夜篝雲龍念東野栢馬歎之果郵
傳一分手河山再見秋交情如繾綣不在寄書稠

鄭中卿惠蠐螬

客窗不作侯鯖夢隨分魚鰕薦一杯食指怪生連夜動

敲門郭索送詩來

寄愷齋弟

鷗鷺逢人問歸信三年作客負滄洲詩袍醉帽黃埃底
羞見扶風馬少游

春暮同社會飲張園小樓得飛字

殘紅委地水平池楊柳陰陰鶯亂飛山色滿樓新雨後
一簾風絮卷春歸以上友林乙棠

史彌鞏

彌鞏字南叔浩從姪嘉定中進士江東提刑

題羊左墓

餘耳當年刎頸交所爭利害僅豪毛一朝泚水相屠戮
豈識羊哀左伯桃

景定建康志

史安之

安之字子田浩之孫嘉定初知嵯縣求高似孫
作剡錄邑之文獻藉以不墜

高山堂和節度梁公韻

在寶積寺後僧擇璘建

閣憑鬼構敞軒局一望塵凡目暫醒巖嶂遠供千疊翠
松篁還聳四時青登臨雅愛恣吟筆圖畫尤宜作座屏
我欲從君遊未得壯心方欲翦南溟

嶧縣志

李訖

訖字誠之號臞菴晉江人雲龕居士邴之孫嘉
定中以朝議大夫敷文閣待制守建州後為戶
部侍郎

謁丞相祠觀八陣圖

人言忠孝不磨滅神物護持存水滸千家陵谷幾變遷
此石不移自章武本由黃帝古兵法六十四以八為伍
髯孫且懼仲達走賊操遊魂何敢拒刻銘沙沒水底碑
教戰石存山下鼓一片丹心天地閱萬世聞風猶禦侮
我來起敬凜如生再拜一言公必取瀼流東截陣圖前
寢蘄城壁頽民宇能安孝石止波流願回瀼患思民撫
常使變人知感公踏磧年年弔千古

控巴臺次韻

誰道地拘偃仄須知天闊幽妍一段丹青臺閣何人淡
掃松煙

以上四川總志

楊長孺

長孺字伯子號東山萬里子嘉定間守湖州後
為番禺帥端平初累辭召命以集英殿修撰致
仕家居卒

跋大人論配享書橐

覆羹真得卓囊書錦水元來勝石渠但寶銀鉤并鐵畫

何須玉帶與金魚

竊林玉露高廟配享洪容齋在翰苑以呂頤浩
趙鼎韓世忠張俊四人為請蓋文武各用兩人
出孝宗意也遂令侍從議識者多謂呂元直不
厭人望張魏公不應獨遺楊誠齋時為秘書少
監以書爭之以欺專私三罪斥容齋且言魏公
有社稷大功五建復辟之勲發儲嗣之議誅范
瓊以正朝綱用吳玠以保全蜀卻劉麟以定江
左於是有意旨再令詳議越數日上忽諭大臣曰
呂頤浩等正合公論更不須議洪邁固是輕率
揚萬里亦未免浮薄于是二人皆求去容齋守
南徐誠齋守高安當苗劉作亂時矯隆祐詔貶
竄魏公高宗在昇陽宮方啜羹左右來告驚懼
羹覆于手手為之傷暨復辟見魏公泣數行下
舉手示公痕跡猶在

題湖州畫像

面有憂民色天知報國心三年風月少兩鬢雪霜深更
莫留形跡何曾廢古今不如隨我去相伴老山林

鶴林玉露嘉定間楊伯子為湖州守治聲為三
輔冠郡士相與肖像祠于學宮與工部尚書戴
少望並祠伯子意不悅會持浙東庾節將行辭
先聖先師禮畢與校官諸生坐講堂命取畫像
題詩其上遂卷藏而行當時士子有戲和其詩
者末句云可憐戴工部獨樹不成林

茨菰花

折來趁得未晨光清露晞風帶月涼長葉剪刀廉不割

小花茉莉淡無香
稀疎略糝瑤臺雪
升降常涵翠管漿
恰恨山中窮到骨
茨菰也遣入詩囊
全芳備祖

句

三間破屋一牀書
錦心繡口冰肌膚
自綉枯葉作袴襦
此君便是長鬚奴
題貧樂圖和徐思叔韻
鶴林玉露

吳晦之

晦之寧國人

寧國府志嘉定中與韓沆仲和石巖魯瞻相友善沆善書嘗手書晦之十絕句自為跋世稱吳

詩韓字可謂並美

寄石魯瞻

憶昔從遊杖履中有山亭上醉春風主人已作騎鯨客

自注時仲和已歿

誰識當年兩病翁

寧國府志

彭仲衡

仲衡清江人

了頭巖

前峰號龜今是龜近巖謂月亦匪月世間景幻語未真

說著了頭便癡絕蒼然頑石由天成道旁過者皆含情
我來於此發浩歎乃知有色能傾城蘆浦筆記

胡偉

偉字元邁嘉定間新安布衣寓吳中有宮詞集句

鶚按玉照新志云胡偉元邁新安人父舜申作
乙巳泗州錄已酉避亂錄据此當是胡仔元任
之從兄弟也

宮詞集句

鷄人唱曉五門開宮女更番上直來御仗催班元會集

遙聞索扇一時回

羅鄴

花藥夫人

王禹玉

王建

披香仙殿試春衣等候官家未出時整了翠環勻了面

大家裝著闕時宜

晏同叔
禹玉

花藥夫人

宋子京

王

殿前香騎逐飛球一樣真珠絡轡頭誇道自家能走馬

掉鞭橫過小紅樓

張籍

王禹玉

王建

花藥夫人

映林先發幾枝梅準擬君王便看來競走巾車迎鳳輦

殿前排宴賞花開

元微之

王建

吳可

花藥夫人

美人弄鏡插梅花抹月批雲自一家三十六宮春信早

不應青女妒容華

鄭毅夫

饒節

蔡文饒

洪玉父

新生帝子浴漪瀾頻奏仙韶喜誕筵願上玉宸千萬歲

大家恩賜洗兒錢

宋白
家宮詞

吳可

王禹玉

吳璠

十

汪莘

莘字叔耕休寧人嘉定中以布衣應詔上封事

不果用有方壺存稿

秋日飲錢塘門外雙清樓

西湖日日可尋芳樓上憑闌意未忘
斫取荷花三萬朵
作他貧女嫁衣裳

次潘別駕韻

野店溪橋柳色新
千愁萬恨為何人
殷勤織就黃金縷
帶雨籠煙過一春

夏日西湖閒居

十里湖山苦見招
柳隄荷蕩赤闌橋
待他朝市人歸後
獨泛扁舟吹玉簫

露冷風清斗柄遷
芙蓉零落謝家船
都人正作黃梁夢
獨占西湖明月天

以上方壺方橐

詹初

初字子元休寧人以薦入太學為學錄與汪莘
善有流塘集

出心原

心原在流塘南

行行陟南原遙望北山岑
上有千尺崖下有高樹林
高林轉幽隩戛然啼雙禽
流水自迅逝白雲澹無心
策杖

者誰子閣來坐春陰相逢籜林下攜手溪水濱對之兩
無言悠然鳴素琴素琴清且越暢以披沖襟沖襟良自
爾那知春已深

流塘集

留元剛

元剛字茂潛永春人嘉定間直學士院有雲麓

集

武夷九曲棹歌

存二首

七曲催船快上灘好山留與漫郎看經行雪瀑仙屏下

恍記齋堂夜帳寒

九曲遙岑更鬱然
板橋漁市引長川
喚回白馬賓雲夢
來看桑麻萬里天

鐵網珊瑚

王益祥

益祥長樂人寧宗朝官監察御史

題資福院平綠軒

丈室無餘地生涯小有天
推窗成曠闊俯檻遶清漣
載酒日邊客聞歌柳外船
隔牆人易與賸著買山錢

至元姑蘇

志

陳宓

宓字師復丞相俊卿子以父任入官寧宗朝歷
軍器監簿出知南康軍改南劍州寶慶初致仕

城山

穀城巖穴似飛來十里湖光鏡面開夜雨松窗僧榻靜
秋風柳岸釣船回尋幽便叩生雲洞乘興還登呼月臺
每到西湖吟咏處令人偏憶故山梅

興化府志

張潞

潞字東之吉之永新人牧昭州詩師誠齋石湖
有張昭州集

句

策勲蓑笠上自是一雲臺

嚴瀨

憂兄行不得勸客不如歸

答二禽

獨木乘危涉勞薪帶溼炊

秋雨

紫垂戶外瞻天近綠

墜樓前到地香

紫牡丹

後村詩話

陳堦

壩俊卿之後知南安縣

謝趙憲副使惠建茶

貢餘自合到侯王誰遣甘芳入
覓腸野客驚看龍鳳鏐
家人學試蟹魚湯題來諫議三封印分到尚書八餅綱
盡灑從前腥腐氣時時澆取簡編香

莆陽文獻

曾槃

槃字樂道幾之孫左司逢之子官工部

句

還持病眼將昏力來看仙山未了青

題武夷類續集

合璧事

吳機

機字子發天台人嘉定中知真州

題烟雨奇觀樓

在真州吳機建取葉石林半空烟雨之句

此景儀真亦有年何人管領向樓前江淮自昔雖南北
烟雨從來有變遷萬里孤帆遺恨在半空佳句至今傳
諸公欲會當時意且對滄波汎酒船

儀真縣志

宋詩紀事卷六十二